

শিক্ষকদের দাবী বিবেচনার্থে গঠিত কমিটির বৈঠক

শিক্ষকদের দাবী বিবেচনার জন্যে শিক্ষা মন্ত্রণালয় কর্তৃক গঠিত ১৬ সদস্য বিশিষ্ট কমিটির প্রথম বৈঠক গত বৃহস্পতিবার সচিবালয়ে অনুষ্ঠিত হয়।

শিক্ষা সচিব কাজী জালাল উদ্দিন আহমদের সভাপতিত্বে বৈঠক অত্যন্ত হৃদয়তাপূর্ণ পরিবেশে অনুষ্ঠিত হয় এবং শিক্ষক সমিতির কর্মকর্তাদের সাথে শিক্ষকদের দাবী-দাওয়া নিয়ে শিক্ষা মন্ত্রণালয়ের কর্মকর্তাদের মত বিনিময় হয়।

বৈঠকে সিদ্ধান্ত নেয়া হয় যে দেশের সরকারী ও বেসরকারী স্কুল-কলেজ এবং মাদ্রাসা শিক্ষকদের শিক্ষক সমিতিসমূহ তাদের দাবীনিম্নার বিস্তারিত বিবরণ স্কীম আকারে শিক্ষা মন্ত্রণালয়ে পেশ করবেন এবং এসব স্কীমের ভিত্তিতে কমিটির পরবর্তী আলোচনা অনুষ্ঠিত হবে।

কমিটির পরবর্তী বৈঠক আগামী ৩১শে ডিসেম্বর সকাল ১০টায় শিক্ষা মন্ত্রণালয়ে অনুষ্ঠিত হবে। বৈঠকে মন্ত্রণালয়ের অতিরিক্ত সচিব জনাব এস. এস. এম. লুৎফুল হক বাংলাদেশ শিক্ষক সমিতি ফেডারেশনের সাধারণ সম্পাদক মওলানা আবদুল মান্নান, যুগ্ম সাধারণ সম্পাদক এ কে এম শাহীদুল্লাহ, জনাব এ কে এম আলী রেজাসহ কমিটির অন্যান্য সদস্য উপস্থিত ছিলেন।

উল্লেখ্য, গত ২৯শে নবেম্বর শিক্ষক মহাসম্মেলনে মহামান্য রাষ্ট্রপতির ঘোষণা অনুযায়ী দেশের কলেজ, হাইস্কুল ও মাদ্রাসা শিক্ষকদের দাবীসমূহ বিবেচনার জন্যে শিক্ষা মন্ত্রণালয় গত ১ই ডিসেম্বর শিক্ষা মন্ত্রীকে সভাপতি, শিক্ষা সচিবকে সহ-সভাপতি এবং যুগ্ম-সচিবকে সদস্য সচিব মনোনীত করে ১৬-সদস্য বিশিষ্ট একটি কমিটি গঠন করেন। খবর তথ্য বিবরণীর।